



孟子白文
下



服部文庫
117
252
2



111
225
2

之祿而不食也。以兄之室為不養，以室而不居也。
齊人離母處於於陵。他日歸，則有饋，其兄室為者也。
顏頰曰：「惡用是醜醜者為哉？」他日其母致是，謂此與
之食之。其兄自外至，曰：「是醜醜之肉也。」而唯之。
以母則不食，以妻則食之。以兄之室則弗看，以於陵
則居之。是尚為能充其類也。若仰于者，則而後充
其操者也。

離婁章句上 沈氏

孟子曰：離婁之明，公輸若之功，不以視也。在不能視者，
其師曠之也。不以不視也。在不能聽者，其師曠也。不以

117
252
2

義之祿而不食也。以兄之室為不義之室而不居也。



辟兄離母處於於陵。他日歸則有饋其兄生鵝者。已
頻顧曰：惡用是駢駢者為哉！他日其母殺是鵝也，與
之食之。其兄自外至，曰：是駢駢之肉也。出而哇之。
以母則不食，以妻則食之。以兄之室則弗居，以於陵
則居之。是尚為能充其類也乎？若仲子者，蚓而後充
其操者也。

離婁章句上凡二十
八章

孟子曰：離婁之明，公輸子之巧，不以規矩不能成方
員，師曠之聰，不以六律不能正五音，堯舜之道，不以

仁政不能平治天下節今有仁心仁聞而民不被其澤不可法於後世者不行先王之道也節故曰徒善不足以為政徒法不能以自行節詩云不愆不忘率由舊章遵先王之法而過者未之有也節聖人既竭目力焉繼之以規矩準繩以為方員平直不可勝用也既竭耳力焉繼之以六律正五音不可勝用也既竭心思焉繼之以不忍人之政而仁覆天下矣節故曰為高必因丘陵為下必因川澤為政不因先王之道可謂智乎節是以惟仁者宜在高位不仁而在高位是播其惡於衆也節上無道揆也下無法守也朝

不信道立不信度君子犯義小人犯刑國之所存者幸也節故曰城郭不完兵甲不多非國之災也田野不辟貨財不聚非國之害也上無禮下無學賊民興喪無日矣節詩曰天之方蹶無然泄泄節泄泄猶沓沓也節事君無義進退無禮言則非先王之道者猶沓沓也節故曰責難於君謂之恭陳善閉和謂之敬吾君不能謂之賊○孟子曰規矩方員之至也聖人入倫之至也節欲為君盡君道欲為臣盡臣道二者皆法堯舜而已矣不以舜之所以事堯事君不敬其君者也不以堯之所以治民治民賊其民者也節孔

四書正文
孟子
子曰道二。仁與不仁而已矣。節暴其民甚則身弑國亡。不甚則身危國削。名之曰幽厲。雖孝子慈孫百世不能改也。節詩云。殷鑒不遠在夏后之世。此之謂也。
○孟子曰。三代之得天下也以仁。其失天下也以不仁。節國之所以廢興存亡者亦然。節天子不仁不保四海。諸侯不仁不保社稷。卿大夫不仁不保宗廟。士庶人不仁不保四體。節今惡死亡而樂不仁。是猶惡醉而強酒。○孟子曰。愛人不親。反其仁。治人不治。反其智。禮人不答。反其敬。節行有不得者。皆反求諸己。其身正而天下歸之。節詩云。永言配命。自求多福。○

孟子曰。人有恒言。皆曰天下國家。天下之本在國。國之本在家。家之本在身。○孟子曰。為政不難。不得罪於巨室。巨室之所慕。一國慕之。一國之所慕。天下慕之。故沛然德教溢乎四海。○孟子曰。天下有道。小德役大德。小賢役大賢。天下無道。小役大。弱役強。斯二者天也。順天者存。逆天者亡。節齊景公曰。既不能令。又不受命。是絕物也。涕出而女於吳。節今也小國師大國而恥受命焉。是猶弟子而耻受命於先師也。節如恥之。莫若師文王。師文王。大國五年。小國七年。必為政於天下矣。節詩云。商之孫子。其麗不億。上帝既

命侯于周服。侯服于周。天命靡常。殷士膚敏。裸將于
京。孔子曰。仁不可為衆也。夫國君好仁。天下無敵。節
今也欲無敵於天下。而不以仁。是猶執熱而不以濯
也。詩云。誰能執熱。逝不以濯。○孟子曰。不仁者可與
言哉。安其危而利其菑。樂其所以亡者。不仁而可與
言。則何亡國敗家之有。節有孺子歌曰。滄浪之水清
兮。可以濯我纓。滄浪之水濁兮。可以濯我足。節孔子
曰。小子聽之。清斯濯纓。濁斯濯足矣。自取之也。節夫
人必自侮。然後人侮之。家必自毀。而後人毀之。國必
自伐。而後人伐之。節太甲曰。天作孽。猶可違。自作孽。

不可活。此之謂也。○孟子曰。桀紂之失天下也。失其
民也。失其民者。失其心也。得天下有道。得其民。斯得
天下矣。得其民有道。得其心。斯得民矣。得其心有道。
所欲與之聚之。所惡勿施爾也。節民之歸仁也。猶水
之就下。獸之走壙也。節故為淵。斂魚者。獮也。為叢。斂爵
者。鷓也。為湯武。斂民者。桀與紂也。節今天下之君有
好仁者。則諸侯皆為之斂矣。雖欲無王。不可得已。節
今之欲王者。猶七年之病。求三年之艾也。苟為不畜。
終身不得。苟不志於仁。終身憂辱。以陷於死亡。節詩
云。其何能淑。載胥及溺。此之謂也。○孟子曰。自暴者。

不可與有言也。自棄者不可與有為也。言非禮義謂之自暴也。吾身不能居仁由義謂之自棄也。節仁人之安宅也。義人之正路也。節曠安宅而弗居舍正路而不由哀哉。○孟子曰：道在爾而求諸遠，事在易而求諸難，人人親其親長其長，而天下平。○孟子曰：居下位而不獲於上，民不可得而治也。獲於上有道，不信於友，弗獲於上矣。信於友有道，事親弗悅，弗信於友矣。悅親有道，友身不誠，不悅於親矣。誠身有道，不明乎善，不誠乎身矣。節是故誠者，天之道也。思誠者，人之道也。節至誠而不動者，未之有也。不誠，未有能

動者也。○孟子曰：伯夷辟紂，居北海之濱；聞文王作興，曰：盍歸乎來。吾聞西伯善養老者，太公辟紂，居東海之濱；聞文王作興，曰：盍歸乎來。吾聞西伯善養老者，節二老者，天下之大老也。而歸之，是天下之父歸之也。天下之父歸之，其子焉往。節諸侯有行文王之政者，七年之內，必為政於天下矣。○孟子曰：求也為季氏宰，無能改於其德，而賦粟倍他日。孔子曰：求非我徒也。小子鳴鼓而攻之可也。節由此觀之，君不行仁政而富之，皆棄於孔子者也。況於為之強戰，爭地以戰，殺人盈野，爭城以戰，殺人盈城。此所謂率土地

而食人肉罪不容於死節故善戰者服上刑連諸侯者次之辟草萊任土地者次之○孟子曰存乎人者莫良於眸子眸子不能掩其惡曾中正則眸子瞭焉曾中不正則眸子眊焉節聽其言也觀其眸子人馬音搜度哉○孟子曰恭者不侮人儉者不奪人侮奪人之君惟恐不順焉惡得為恭儉恭儉豈可以聲音笑貌為哉○淳于髡曰男女授受不親禮與孟子曰禮也曰嫂溺則援之以手乎曰嫂溺不援是豺狼也男女授受不親禮也嫂溺援之以手者權也節曰今天下溺矣夫子之不援何也節曰天下溺援之以道嫂溺

趙注曰以手牽援云

援之以手子欲手援天下乎○公孫丑曰君子之不教子何也節孟子曰勢不行也教者必以正以正不行繼之以怒繼之以怒則反夷矣夫子教我以正夫子未出於正也則是父子相夷也父子相夷則惡矣節古者易子而教之節父子之間不責善責善則離離則不祥莫大焉○孟子曰事孰為大事親為大守孰為大守身為大不失其身而能事其親者吾聞之矣失其身而能事其親者吾未之聞也節孰不為事親事親事之本也孰不為守身守身之本也節曾子養曾皙必有酒肉將徹必請所與問有餘必曰有曾皙死

曾元養曾子必有酒肉將徹不請所與問有餘曰亡矣將以復進也此所謂養口體者也若曾子則可謂養志也節事親若曾子者可也○孟子曰人不足與適也政不足間也惟大人為能格君心之非君仁莫不仁君義莫不義君正莫不正一正君而國定矣○孟子曰有不虞之譽有求全之毀○孟子曰人之易其言也無責耳矣○孟子曰人之患在好為人師○樂正子從於子敖之齊節樂正子見孟子孟子曰子亦來見我乎曰先生何為出此言也曰子來幾日矣曰昔者曰昔者則我出此言也不亦宜乎曰舍館未

定曰子聞之也舍館定然後求見長者乎節曰克有罪○孟子謂樂正子曰子之從於子敖來徒饋啜也我不意子學古之道而以饋啜也○孟子曰不孝有三無後為大節舜不告而娶為無後也君子以為猶告也○孟子曰仁之實事親是也義之實從兄是也節智之實知斯二者弗去是也禮之實節文斯二者是也樂之實樂斯二者樂則生矣生則惡可已也惡可已則知足之蹈之手之舞之○孟子曰天下大悅而將歸已視天下悅而歸已猶草芥也惟舜為然不得乎親不可以為人。不順乎親不可以為子節舜

盡事親之道而瞽瞍底豫瞽瞍底豫而天下化瞽瞍底豫而天下之為父子者定此之謂大孝

離婁章句下九三十三

孟子曰舜生於諸馮遷於負夏卒於鳴條東夷之人也節文王生於岐周卒於畢郢西夷之人也節地之相去也千有餘里世之相後也千有餘歲得志行乎中國若合符節節先聖後聖其揆一也節子產聽鄭國之政以其乘輿濟人於溱洧節孟子曰惠而不知為政節歲十一月徒杠成十二月輿梁成民未病涉也節君子平其政行辟人可也焉得人人而濟之節

故為政者每人而悅之日亦不足矣節孟子告齊宣王曰君之視臣如手足則臣視君如腹心君之視臣如犬馬則臣視君如國人君之視臣如土芥則臣視君如寇讎節王曰禮為舊君有服何如斯可為服矣節曰諫行言聽膏澤下於民有故而去則君使人導之出疆又先於其所往去三年不反然後收其田里此之謂三有禮焉如此則為之服矣節今也為臣諫則不行言則不聽膏澤不下於民有故而去則君搏執之又極之於其所往去之日遂收其田里此之謂寇讎寇讎何服之有節孟子曰無罪而殺士則大夫

可以去。無罪而戮民。則士可以徙。○孟子曰。君仁莫不仁。君義莫不義。○孟子曰。非禮之禮。非義之義。大人弗為。○孟子曰。中也養不中。才也養不才。故人樂有賢父兄也。如中也棄不中。才也棄不才。則賢不肖之相去。其間不能以寸。○孟子曰。人有不為也。而後可以有為。○孟子曰。言人之不善。當如後患何。○孟子曰。仲尼不為已甚者。○孟子曰。大人者。言不必信。行不必果。惟義所在。○孟子曰。大人者。不夫其赤子之心者也。○孟子曰。養生者。不足以當大事。惟送死可以當大事。○孟子曰。君子深造之以道。欲其自得

之也。自得之。則居之安。居之安。則資之深。資之深。則取之左右逢其原。故君子欲其自得之也。○孟子曰。博學而詳說之。將以反說約也。○孟子曰。以善服人者。未有能服人者也。以善養人。然後能服天下。天下不心服。而王者未之有也。○孟子曰。言無實不祥。不祥之實。蔽賢者當之。○徐子曰。仲尼亟稱於水曰。水哉。水哉。何取之於水也。節孟子曰。原泉混混。不舍晝夜。盈科而後進。放乎四海。有本者如是。是之取爾。節苟為無本。七八月之間。雨集。溝澮皆盈。其涸也可立而待也。故聲聞過情。君子恥之。○孟子曰。人之所以

四書章句

下孟

六

異於禽獸者幾希。庶民去之，君子存之。節舜明於庶物，察於人倫，由仁義行，非行仁義也。○孟子曰：禹惡旨酒而好善言。節湯執中，立賢無方。節文王視民如傷，望道而未之見。節武王不泄邇，不忘遠。節周公思兼三王，以施四事，其有不合者，仰而思之，夜以繼日，幸而得之，坐以待旦。○孟子曰：王者之迹熄而詩亡，詩亡然後春秋作。節晉之乘、楚之檮杌、魯之春秋，一也。節其事則齊桓晉文，其文則史。孔子曰：其義則丘竊取之矣。○孟子曰：君子之澤，五世而斬；小人之澤，五世而斬。節予未得為孔子徒也，予私淑諸人也。○

孟子曰：可以取可以無取，取傷廉；可以與可以無與，與傷惠。可以死可以無死，死傷勇。○逢蒙學射於羿，盡羿之道，思天下惟羿為愈已，於是殺羿。孟子曰：是亦羿有罪焉。公明儀曰：宜若無罪焉。曰：薄乎云爾，惡得無罪。節鄭人使子濯孺子侵衛，衛使庾公之斯追之。子濯孺子曰：今日我疾作，不可以執弓，吾死矣夫。問其僕曰：追我者誰也？其僕曰：庾公之斯也。曰：吾生矣，其僕曰：庾公之斯衛之善射者也，夫子曰：吾生何謂也？曰：庾公之斯學射於尹公之他，尹公之他學射於我，夫尹公之他，端人也，其取友必端矣。庾公之斯

至曰。夫子何為不執弓。曰。今日我疾作。不可以執弓。
曰。小人學射於尹公之他。尹公之他學射於夫子。我
不忍以夫子之道。反害夫子。雖然。今日之事。君事也。
我不敢廢。抽矢扣輪。去其金。發乘矢而後反。○孟子
曰。西子蒙不潔。則人皆掩鼻而過之。節雖有惡人。齊
戒沐浴。則可以祀上帝。○孟子曰。天下之言性也。則
故而已矣。故者以利為本。節所惡於智者為其鑿也。
如智者若禹之行水也。則無惡於智矣。禹之行水也。
行其所無事也。如智者亦行其所無事。則智亦大矣。
節天之高也。星辰之遠也。苟求其故。千歲之日至可

坐而致也。○公行子有子之喪。右師往弔。入門有進
而與右師言者。有就右師之位而與右師言者。節孟
子不與右師言。右師不悅。曰。諸君子皆與驩言。孟子
獨不與驩言。是簡驩也。節孟子聞之。曰。禮朝廷不歷
位而相與言。不踰階而相揖也。我欲行禮。子敖以我
為簡。不亦異乎。○孟子曰。君子所以異於人者。以其
存心也。君子以仁存心。以禮存心。節仁者愛人。有禮
者敬人。節愛人者人恒愛之。敬人者人恒敬之。節有
人於此。其待我以橫逆。則君子必自反也。我必不仁
也。必無禮也。此物奚宜至哉。節其自反而仁矣。自反

而有禮矣。其橫逆由是也。君子必自反也。我必不忠
節自反而忠矣。其橫逆由是也。君子曰：此亦妄人也
已矣。如此則與禽獸奚擇哉。於禽獸又何難焉。節是
故君子有終身之憂，無一朝之患也。乃若所憂則有
之，舜人也。我亦人也。舜為法於天下，可傳於後世。我
由未免為鄉人也是則可憂也。憂之如何。如舜而已
矣。若夫君子所患則亡矣。非仁無為也。非禮無行也。
如有一朝之患，則君子不患矣。○禹稷當平世，三過
其門而不入。孔子賢之。節顏子當亂世，居於陋巷，一
簞食，一瓢飲，人不堪其憂，顏子不改其樂。孔子賢之。

節孟子曰：禹稷顏回同道。節禹思天下有溺者，由已
溺之也。稷思天下有饑者，由已饑之也。是以如是其
急也。節禹稷顏子易地則皆然。節今有同室之人鬪
者，救之雖被髮纓冠而救之可也。節鄉鄰有鬪者，被
髮纓冠而往救之，則惑也。雖閉戶可也。○公都子曰：
匡章通國皆稱不孝焉。夫子與之遊，又從而禮貌之，
敢問何也。節孟子曰：世俗所謂不孝者五，惰其四支，
不顧父母之養，一不孝也。博奕好飲酒，不顧父母之
養，二不孝也。好貨財，私妻子，不顧父母之養，三不孝
也。從耳目之欲，以為父母戮，四不孝也。好勇鬪狠，以

危父母五不孝也。章子有一於是乎。節夫章子子父責善而不相遇也。節責善朋友之道也。父子責善賊恩之大者。節夫章子豈不欲有夫妻子母之屬哉。為得罪於父，不得近。子父出妻屏子，終身不養焉。其設心以為不若是，是則罪之大者是。則章子已矣。○曾子居武城，有越寇。或曰：寇至，盍去諸。曰：無寓人於我室，毀傷其薪木。寇退，則曰：脩我牆屋，我將反。寇退，曾子反。左右曰：待先生如此，其忠且敬也。寇至，則先去以為民望。寇退，則反。殆於不可。沈猶行曰：是非汝所知也。昔沈猶有負芻之禍，從先生者七十人，未有與焉。節

子思居於衛，有齊寇。或曰：寇至，盍去諸。子思曰：如彼去，君誰與守。節孟子曰：曾子子思同道。曾子師也，父兄也。子思臣也，微也。曾子子思易地則皆然。○儲子曰：王使人瞞夫子，果有以異於人乎。孟子曰：何以異於人哉。堯舜與人同耳。○齊人有一妻一妾而處室者，其良人出，則必饜酒肉而後反；其妻問所與飲食者，則盡富貴也；其妻告其妾曰：良人出，則必饜酒肉而後反，問其與飲食者，盡富貴也，而未嘗有顯者來，吾將瞞良人之所之也。蚤起，施從良人之所之，徧國中無與立談者。卒之東郭墦間之祭者，乞其餘，不足

又顧而之他。此其為饜足之道也。其妻歸告其妾曰。良人者所仰望而終身也。今若此。與其妾訕其良人而相泣於中庭。而良人未之知也。施施從外來。驕其妻妾。節由君子觀之。則人之所以求富貴利達者。其妻妾不羞也。而不相泣者。幾希矣。

萬章章句上凡九章

萬章問曰。舜往于田。號泣于旻天。何為其號泣也。孟子曰。怨慕也。節萬章曰。父母愛之。喜而不忘。父母惡之。勞而不怨。然則舜怨乎。曰。長息問於公明高曰。舜往于田。則吾既得聞命矣。號泣于旻天。于父母。則吾

不知也。公明高曰。是非爾所知也。夫公明高以孝子之心為不若是。怒我竭力耕田。共為子職而已矣。父母之不我愛於我。何哉。節帝使其子九男二女。百官牛羊倉廩備。以事舜於畎畝之中。天下之士多就之者。帝將昏天下而遷之焉。為不順於父母。如窮人無所歸。節天下之士悅之。人之所欲也。而不足以解憂。好色人之所欲。妻帝之二女而不足。以解憂。富人之所欲。富有天下而不足。以解憂。貴人之所欲。貴為天子而不足。以解憂。人悅之。好色富貴無足以解憂者。惟順於父母。可以解憂。節人少則慕父母。知好色則

慕少艾有妻子則慕妻子。仕則慕君，不得於君則熱中。大孝終身慕父母。五十而慕者，予於大舜見之矣。○萬章問曰：詩云「娶妻如之何，必告父母」，信斯言也，宜莫如舜。舜之不告而娶，何也？孟子曰：告則不得娶，男女居室，人之大倫也。如告則廢人之大倫，以懟父母，是以不告也。節萬章曰：舜之不告而娶，則吾既得聞命矣。帝之妻舜而不告，何也？曰：帝亦知告焉，則不得妻也。節萬章曰：父母使舜完廩，捐階，瞽瞍焚廩，使浚井出，從而揜之。象曰：謨蓋都君，咸我績，牛羊父母，倉廩父母，干戈朕，琴朕，箠朕，二嫂使治朕棲。象往入

舜宮。舜在牀琴，象曰：鬱陶思君爾，忸怩舜曰：惟茲庶庶，汝其于予治。不識舜不知象之將殺已與。曰：奚而不知也。象憂亦憂，象喜亦喜。節曰：然則舜偽喜者與。曰：否。昔者有饋生魚於鄭子產，子產使校人畜之池，校人烹之，反命曰：始舍之，圉圉焉；少則洋洋焉；攸然而逝。子產曰：得其所哉！得其所哉！校人出曰：孰謂子產智乎？既烹而食之，曰：得其所哉！得其所哉！故君子可欺以其方，難罔以非其道。彼以愛兄之道來，故誠信而喜之，奚偽焉？○萬章問曰：象日以殺舜為事，立為天子，則放之，何也？孟子曰：封之也。或曰：放焉。節萬

章曰。舜流共工于幽州。放驩兜于崇山。殺三苗于三危。殛鯀于羽山。四罪而天下咸服。誅不仁也。象至不仁。封之有庠。有庠之人。奚罪焉。仁人固如是乎。在他人則誅之。在弟則封之。曰。仁人之於弟也。不藏怒焉。不宿怨焉。親愛之而已矣。親之欲其貴也。愛之欲其富也。封之有庠。富貴之也。身為天子。弟為匹夫。可謂親愛之乎。節敢問或曰。放者何謂也。曰。象不得有為於其國。天子使吏治其國而納其貢稅焉。故謂之放。豈得暴彼民哉。雖然。欲常常而見之。故源源而來。不及貢。以政接于有庠。此之謂也。○咸丘蒙問曰。語云。

成德之士。君不得而臣。父不得而子。舜南面而立。堯帥諸侯北面而朝之。瞽瞍亦北面而朝之。舜見瞽瞍。其容有蹙。孔子曰。於斯時也。天下殆哉。岌岌乎不識此語。誠然乎哉。孟子曰。否。此非君子之言。齊東野人之語也。堯老而舜攝也。堯典曰。二十有八載。放勳乃徂落。百姓如喪考妣。三年。四海遏密八音。孔子曰。天無二日。民無二王。舜既為天子矣。又帥天下諸侯以為堯三年喪。是二天子矣。節咸丘蒙曰。舜之不臣堯。則吾既得聞命矣。詩云。普天之下。莫非王土。率土之濱。莫非王臣。而舜既為天子矣。敢問瞽瞍之非臣。如

何曰是詩也非是之謂也勞於王事而不得養父母也曰此莫非王事我獨賢勞也故說詩者不以文害辭不以辭害志以意逆志是為得之如以辭而已矣雲漢之詩曰周餘黎民靡有孑遺信斯言也是周無遺民也節孝子之至莫大乎尊親尊親之至莫大乎以天下養為天子父尊之至也以天下養養之至也詩曰永言孝思孝思維則此之謂也節書曰祗載見瞽瞍夔夔齊栗瞽瞍亦允若是為父不得而子也○萬章曰堯以天下與舜有諸孟子曰否天子不能以天下與人節然則舜有天下也孰與之曰天與之節天

與之者諄諄然命之乎節曰否天不言以行與事示之而已矣節曰以行與事示之者如之何曰天子能薦人於天不能使天與之天下諸侯能薦人於天子不能使天子與之諸侯大夫能薦人於諸侯不能使諸侯與之大夫昔者堯薦舜於天而天受之暴之於民而民受之故曰天不言以行與事示之而已矣節曰敢問薦之於天而天受之暴之於民而民受之如何曰使之主祭而百神享之是天受之使之主事而事治百姓安之是民受之也天與之人與之故曰天子不能以天下與人舜相堯二十有八載非人之所

能爲也。夫也。堯崩三年之喪畢，舜避堯之子於南河之南。天下諸侯朝覲者，不之堯之子而之舜。訟獄者，不之堯之子而之舜。謳歌者，不謳歌堯之子而謳歌舜。故曰：天也。夫然後之中國，踐天子位焉。而居堯之宮，逼堯之子是篡也。非天與也。節太誓曰：天視自我民視，天聽自我民聽。此之謂也。○萬章問曰：人有言：至於禹而德衰，不傳於賢而傳於子，有諸？孟子曰：否。不然也。天與賢則與賢，天與子則與子。昔者舜薦禹於天，十有七年，舜崩，三年之喪畢，禹避舜之子於陽城。天下之民從之。若堯崩之後，不從堯之子而從舜

也。禹薦益於天，七年，禹崩，三年之喪畢，益避禹之子於箕山之陰。朝覲訟獄者，不之益而之啓。曰：吾君之子也。謳歌者，不謳歌益而謳歌啓。曰：吾君之子也。節丹朱之不肖，舜之子亦不肖。舜之相堯，禹之相舜也。歷年多，施澤於民久。啓賢，能敬承繼禹之道。益之相禹也，歷年少，施澤於民未久。舜禹益相去久遠，其子之賢不肖，皆天也。非人之所能爲也。莫之爲而爲者，天也。莫之致而至者，命也。節匹夫而有天下者，德必若舜禹，而又有天子薦之者，故仲尼不有天下。節繼世以有天下，夫之所廢，必若桀紂者也。故益伊尹周

公不有天下節伊尹相湯以王於天下湯崩太丁未
立外丙二年仲壬四年太甲顛覆湯之典刑伊尹放
之於桐三年太甲悔過自怨自艾於桐處仁遷義三
年以聽伊尹之訓已也復歸于亳節周公之不有天
下猶益之於夏伊尹之於殷也節孔子曰唐虞禪夏
后殷周繼其義一也○萬章問曰人有言伊尹以割
烹要湯有諸節孟子曰否不然伊尹耕於有莘之野
而樂堯舜之道焉非其義也非其道也祿之以天下
弗顧也繫馬千駟弗視也非其義也非其道也一介
不以與人一介不以取諸人節湯使人以幣聘之節

豈然曰我何以湯之聘幣為哉我豈若處畎畝之中
由是以樂堯舜之道哉節湯三使往聘之既而幡然
改曰與我處畎畝之中由是以樂堯舜之道吾豈若
使是君為堯舜之君哉吾豈若使是民為堯舜之民
哉吾豈若於吾身親見之哉節天之生此民也使先
知覺後知使先覺覺後覺也予天民之先覺者也予
將以斯道覺斯民也非予覺之而誰也節思天下之
民匹夫匹婦有不被堯舜之澤者若已推而內之溝
中其自任以天下之重如此故就湯而說之以伐夏
救民節吾未聞枉已而正人者也况辱已以正天下

者乎。聖人之行不同也。或遠或近。或去或不去。歸潔其身而已矣。節吾聞其以堯舜之道要湯。未聞以割烹也。節伊訓曰。天誅造攻自牧宮。朕載自亳。○萬章問曰。或謂孔子於衛主癰疽。於齊主侍人瘠環。有諸乎。孟子曰。否。不然也。好事者為之也。節於衛主顏雝。由。彌子之妻與子路之妻兄弟也。彌子謂子路曰。孔子主我。衛卿可得也。子路以告。孔子曰。有命。孔子進以禮退以義。得之不得。曰有命。而主癰疽與侍人瘠環。是無義無命也。節孔子不悅於魯。衛遭宋桓司馬將要而殺之。微服而過宋。是時孔子當阨。主司城貞

子為陳侯周臣。節吾聞觀近臣以其所為主。觀遠臣以其所主。若孔子主癰疽與侍人瘠環。何以為孔子。節萬章問曰。或曰。百里奚自鬻於秦。養牲者。五羊之皮。食牛。以要秦穆公。信乎。孟子曰。否。不然。好事者為之也。節百里奚。虞人也。晉人以垂棘之璧與屈產之乘。假道於虞。以伐虢。宮之奇諫。百里奚不諫。節知虞公之不可諫而去之。秦年已七十矣。曾不知以食牛。子秦穆公之為汙也。可謂智乎。不可諫而不諫。可謂不智乎。知虞公之將亡而先去之。不可謂不智也。時舉於秦。知穆公之可與有行也。而相之。可謂不智乎。

相秦而顯其君於天下。可傳於後世。不賢而能之乎。自鬻以成其君。鄉黨自好者。不為。而謂賢者為之乎。

萬章章句下凡九章

孟子曰。伯夷目不視惡色。耳不聽惡聲。非其君不事。非其民不使。治則進。亂則退。橫政之所出。橫民之所止。不忍居也。思與鄉人處。如以朝衣朝冠坐於塗炭也。當紂之時。居北海之濱。以待天下之清也。故聞伯夷之風者。頑夫廉。懦夫有立志。節伊尹曰。何事非君。何使非民。治亦進。亂亦進。曰。天之生斯民也。使先知覺後知。使先覺覺後覺。予天民之先覺者也。予將以

朱注接獨承

此道覺此民也。思天下之民。匹夫匹婦有不與被堯舜之澤者。若已推而內之溝中。其自任以天下之重也。節柳下惠不羞污君。不辭小官。進不隱賢。必以其道遺佚而不怨。阨窮而不憫。與鄉人處。由由然不忍去也。爾為爾。我為我。雖袒裼裸裎於我側。爾焉能浼我哉。故聞柳下惠之風者。鄙夫寬。薄夫敦。節孔子之去齊。接淅而行。去魯。曰。遲遲吾行也。去父母國之道也。可以速而速。可以久而久。可以處而處。可以仕而仕。孔子也。節孟子曰。伯夷聖之清者也。伊尹聖之任者也。柳下惠聖之和者也。孔子聖之時者也。節孔子

之謂集大成。集大成也者，金聲而玉振之也。金聲也者，始條理也。玉振之也者，終條理也。始條理者，智之事也。終條理者，聖之事也。節智譬則巧也，聖譬則力也。由射於百步之外也，其至爾力也，其中非爾力也。
○北宮錡問曰：周室班爵祿也，如之何？節孟子曰：其詳不可得聞也。諸侯惡其害已也，而皆去其籍，然而軻也。曾聞其畧也。節天子一位，公一位，侯一位，伯一位，子男同一位，凡五等也。君一位，卿一位，大夫一位，士一位，中士一位，下士一位，凡六等。節天子之制地方千里，公侯皆方百里，伯七十里，子男五十里。

凡四等，不能五十里，不達於天子，附於諸侯，曰附庸。節天子之卿受地視侯，大夫受地視伯，元士受地視子男。節大國地方百里，君十卿祿，卿祿四大夫，大夫倍上士，上士倍中士，中士倍下士，下士與庶人在官者同祿。祿足以代其耕也。節次國地方七十里，君十卿祿，卿祿三大夫，大夫倍上士，上士倍中士，中士倍下士，下士與庶人在官者同祿。祿足以代其耕也。節小國地方五十里，君十卿祿，卿祿二大夫，大夫倍上士，上士倍中士，中士倍下士，下士與庶人在官者同祿。祿足以代其耕也。節耕者之所獲，一夫百畝，百畝

之糞上農夫食九人。上次食八人。中食七人。中次食六人。下食五人。庶人在官者其祿以是為差。○萬章問曰。敢問友。孟子曰。不挾長。不挾貴。不挾兄弟而友。友也者。友其德也。不可以有挾也。節孟獻子百乘之家也。有友五人焉。樂正裘。牧仲。其三人則予忘之矣。獻子之與此五人者。友也。無獻子之家者也。此五人者。亦有獻子之家。則不與之友矣。節非惟百乘之家為然也。雖小國之君亦有之。費惠公曰。吾於子思則師之矣。吾於顏般則友之矣。王順長息則事我者也。節非惟小國之君為然也。雖大國之君亦有之。晉平

公之於亥唐也。入云則入。坐云則坐。食云則食。雖疏食菜羹未嘗不飽。蓋不敢不飽也。然終於此而已矣。弗與共天位也。弗與治天職也。弗與食天祿也。士之尊賢者也。非王公之尊賢也。節舜尚見帝。帝館甥于貳室。亦饗舜。迭為賓主。是天子而友匹夫也。節用下敬上。謂之貴貴。用上敬下。謂之尊賢。貴貴尊賢。其義一也。○萬章問曰。敢問交際何心也。孟子曰。恭也。節曰。卻之卻之。為不恭。何哉。曰。尊者賜之。曰其所取之者義乎。不義乎。而後受之。以是為不恭。故弗卻也。節曰。請無以辭卻之。以心卻之。曰其取諸民之不義也。

而以他辭無受不可乎。曰：其交也以道，其接也以禮，斯孔子受之矣。節萬章曰：今有禦人於國門之外者，其交也以道，其餽也以禮，斯可受禦與？曰：不可。康誥曰：殺越人于貨，閔不畏死，凡民用不讒，是不待教而誅者也。殷受夏，周受殷，所不辭也。於今為烈，如之何其受之？節曰：今之諸侯取之於民也，猶禦也。苟善其禮際矣，斯君子受之，敢問何說也？曰：子以為有王者作，將比今之諸侯而誅之乎？其教之不改而後誅之乎？夫謂非其有而取之者，盜也。充類至義之盡也。孔子之仕於魯也，魯人獵較，孔子亦獵較。獵較猶可而

况受其賜乎？節曰：然則孔子之仕也，非事道與？曰：事道也。事道奚獵較也？曰：孔子先簿正祭器，不以四方之食供薄正。曰：奚不去也？曰：為之兆也。兆足以行矣，而不行，而後去，是以未嘗有所終，三年淹也。節孔子有見行可之仕，有際可之仕，有公養之仕，於季桓子見行可之仕也。於衛靈公，際可之仕也。於衛孝公，公養之仕也。○孟子曰：仕非為貧也，而有時乎為貧；娶妻非為養也，而有時乎為養。節為貧者，辭尊居卑，辭富居貧，辭尊居卑，辭富居貧，惡乎宜乎？抱關擊柝，節孔子嘗為委吏矣。曰：會計當而已矣。嘗為乘田矣。

曰牛羊茁壯長而已矣節位卑而言高罪也。立乎人之本朝而道不行恥也。○萬章曰：士之不託諸侯何也？孟子曰：不敢也。諸侯失國而後託於諸侯禮也。士之託於諸侯非禮也。節萬章曰：君餽之粟則受之乎？曰：受之受之何義也？曰：君之於氓也固周之。節曰：周之則受賜之則不受何也？曰：不敢也。曰：敢問其不敢何也？曰：抱關擊柝者皆有常職以食於上無常職而賜於上者以為不恭也。節曰：君餽之則受之不識可常繼乎？曰：繆公之於子思也。亟問亟餽鼎肉子思不悅於卒也。標使者出諸大門之外北面稽首再拜而

不受。曰：今而後知君之犬馬畜伋蓋自是臺無餽也。悅賢不能舉又不能養也可謂悅賢乎。節曰：敢問國君欲養君子如何斯可謂養矣？曰：以君命將之再拜稽首而受其後廩人繼粟庖人繼肉不以君命將之子思以為鼎肉使已僕僕爾亟拜也非養君子之道也。節堯之於舜也使其子九男事之二女女焉百官牛羊倉廩備以養舜於畎畝之中後舉而加諸上位故曰王公之尊賢者也。○萬章曰：敢問不見諸侯何義也？孟子曰：在國曰市井之臣在野曰草莽之臣皆謂庶人庶人不傳質為臣不敢見於諸侯禮也。節萬

四書正義 卷之五 下 五
章曰庶人召之役則徃役君欲見之召之則不徃見
之何也曰徃役義也徃見不義也節且君之欲見之
也何為也哉曰為其多聞也為其賢也曰為其多聞
也則天子不召師而况諸侯乎為其賢也則吾未聞
欲見賢而召之也繆公亟見於子思曰古千乘之國
以友士何如子思不悅曰古之人有言曰事之云乎
豈曰友之云乎子思之不悅也豈不曰以位則子君
也我臣也何敢與君友也以德則子事我者也奚可
以與我友千乘之君求與之友而不可得也而况可
召與節齊景公田招虞人以旌不至將殺之志士不

忘在溝壑勇士不忘喪其元孔子奚取焉取非其招
不徃也節曰敢問招虞人何以曰以皮冠庶人以旃
士以旂大夫以旌節以大夫之招招虞人虞人死不
敢徃以士之招招庶人庶人豈敢徃哉况乎以不賢
人之招招賢人乎節欲見賢人而不以其道猶欲其
入而閉之門也夫義路也禮門也惟君子能由是路
出入是門也詩云周道如底其直如矢君子所履小
人所視節萬章曰孔子君命召不俟駕而行然則孔
子非與曰孔子當仕有官職而以其官召之也○孟
子謂萬章曰一鄉之善士斯友一鄉之善士一國之

善士斯友一國之善士天下之善士斯友天下之善士節以友天下之善士為未足又尚論古之人頌其詩讀其書不知其人可乎是以論其世也是尚友也

○齊宣王問卿孟子曰王何卿之問也王曰卿不同乎曰不同有貴戚之卿有異姓之卿王曰請問貴戚之卿曰君有大過則諫反覆之而不聽則易位節王勃然變乎色節曰王勿異也王問臣臣不敢不以正對節王色定然後請問異姓之卿曰君有過則諫反覆之而不聽則去

告子章句上

九二十章

告子曰性猶杞柳也義由柤棿也節以人性為仁義猶以杞柳為柤棿節孟子曰子能順杞柳之性而以為柤棿乎將戕賊杞柳而後以為柤棿也如將戕賊杞柳而以為仁義與率天下之人而禍仁義者必子之言夫○告子曰性猶湍水也決諸東方則東流決諸西方則西流人性之無分於善不善也猶水之無分於東西也節孟子曰水信無分於東西無分於上下乎人性之善也猶水之就下也人無有不善水無有不下節今夫水搏而躍之可使過額激而行之可使在山是豈水之性哉其勢

則然也。人之可使為不善其性亦猶是也。○告子曰：生之謂性。節孟子曰：生之謂性也。猶白之謂白與？曰：然。白羽之白也，猶白雪之白，白雪之白，猶白玉之白，與？曰：然。節然則犬之性猶牛之性，牛之性猶人之性，與？○告子曰：食色性也。仁內也，非外也。義外也，非內也。節孟子曰：何以謂仁內義外也？曰：彼長而我長之，非有長於我也。猶彼白而我白之，從其白於外也。故謂之外也。節曰：異於白馬之白也，無以異於白人之白也。不識長馬之長也，無以異於長人之長與？且謂長者義乎？長之者義乎？節曰：吾弟則愛之，秦人之弟

則不愛也。是以我為悅者也。故謂之內。長楚人之長，亦長吾之長，是以長為悅者也。故謂之外也。節曰：蒼秦人之炙，無以異於蒼吾炙。夫物則亦有然者也。然則蒼炙亦有外與？○孟季子問公都子曰：何以謂義內也？節曰：行吾敬，故謂之內也。節鄉人長於伯兄一歲，則誰敬？曰：敬兄。酌則誰先？曰：先酌鄉人。所敬在此，所長在彼，果在外，非由內也。節公都子不能答，以告孟子。孟子曰：敬叔父乎？敬弟子？彼將曰：敬叔父。曰：弟為尸，則誰敬？彼將曰：敬弟。子曰：惡在其敬叔父也？彼將曰：在位故也。子亦曰：在位故也。庸敬在兄，斯須之

敬在鄉人節季子聞之曰敬叔父則敬敬弟則敬果
在外非由內也公都子曰冬日則飲湯夏日則飲水
然則飲食亦在外也○公都子曰告子曰性無善無
不善也節或曰性可以為善可以為不善是故文武
興則民好善幽厲興則民好暴節或曰有性善有性
不善是故以堯為君而有象以瞽瞍為父而有舜以
紂為兄之子且以為君而有微子啓王子比干節今
曰性善然則彼皆非與孟子曰乃若其情則可以為
善矣乃所謂善也節若夫為不善非才之罪也節惻
隱之心人皆有之羞惡之心人皆有之恭敬之心人

皆有之是非之心人皆有之惻隱之心仁也羞惡之
心義也恭敬之心禮也是非之心智也仁義禮智非
由外鑠我也我固有之也弗思耳矣故曰求則得之
舍則失之或相倍蓰而無節者不能盡其才者也節
詩曰天生蒸民有物有則民之秉夷好是懿德孔子
曰為此詩者其知道乎故有物必有則民之秉夷也
故好是懿德○孟子曰富歲子弟多賴凶歲子弟多
暴非天之降才爾殊也其所以陷溺其心者然也節
今天莠麥播種而耰之其地同樹之時又同淳然而
生至於日至之時皆孰矣雖有不同則地有肥磽雨

四書章句

卷之六

六

小

露之養人事之不齊也節故凡同類者舉相似也何
 獨至於人而疑之聖人與我同類者節故龍子曰不
 知是而為獲我知其不為蕘也獲之相似天下之足
 同也節口之於味有同者也易牙先得我口之所者
 者也如使口之於味也其性與人殊若大馬之與我
 不同類也則天下何者皆從易牙之於味也至於味
 天下期於易牙是天下之口相似也節惟耳亦然至
 於聲天下期於師曠是天下之耳相似也節惟目亦
 然至於子都天下莫不知其姣也不知子都之姣者
 無目者也節故曰口之於味也有同者焉耳之於聲

也有同聽焉目之於色也有同美焉至於心獨無所
 同然乎心之所同然者何也謂理也義也聖人先得
 我心之所同然耳故理義之悅我心猶芻豢之悅我
 口○孟子曰牛山之木嘗美矣以其郊於大國也斧
 斤伐之可以為美乎是其日夜之所息雨露之所潤
 非無萌蘖之生焉牛羊又從而牧之是以若彼濯濯
 也人見其濯濯也以為未嘗有材焉此豈山之性也
 哉節雖存乎人者豈無仁義之心哉其所以放其良
 心者亦猶斧斤之於木也旦旦而伐之可以為美乎
 其日夜之所息乎旦之氣其好惡與人相近也者幾

希則其日晝之所為有枯亡之矣。枯之反覆則其夜氣不足以存。夜氣不足以存則其違禽獸不遠矣。人見其禽獸也而以為未嘗有才焉者。是豈人之情也哉。故苟得其養。無物不長。苟失其養。無物不消。孔子曰。操則存。舍則亡。出入無時。莫知其鄉。惟心之謂與。○孟子曰。無或乎王之不智也。雖有天下易生之物也。一日暴之。十日寒之。未有能生者也。吾見亦罕矣。吾退而寒之者至矣。吾如有萌焉。何哉。夫奕之為數。小數也。不專心致志。則不得也。奕秋。通國之善奕者也。使奕秋誨二人奕。其一人專心致志。

惟奕秋之為聽。一人雖聽之。一心以為有鴻鵠將至。思援弓繳而射之。雖與之俱學。弗若之矣。為是其知弗若與。曰。非然也。○孟子曰。魚我所欲也。熊掌亦我所欲也。二者不可得兼。舍魚而取熊掌者也。生亦我所欲也。義亦我所欲也。二者不可得兼。舍生而取義者也。生亦我所欲。所欲有甚於生者。故不為苟得也。死亦我所惡。所惡有甚於死者。故患有所不辟也。如使人之所欲。莫甚於生。則凡可以得生者。何不用也。使人之所惡。莫甚於死者。則凡可以辟患者。何不為也。由是則生而有不用也。由是則可以辟患。

而有不為也節是故所欲有甚於生者。所惡有甚於死者。非獨賢者有是心也。人皆有之。賢者能勿喪耳。節一簞食。一豆羹。得之則生。弗得則死。噓爾而與之。行道之人。弗受。蹴爾而與之。乞人不屑也。節萬鍾則不辨禮義而受之。萬鍾於我何加焉。為宮室之美。妻妾之奉。所識窮乏者得。我與。節鄉為身死而不受。今為宮室之美。為之。鄉為身死而不受。今為妻妾之奉。為之。鄉為身死而不受。今為所識窮乏者得我而為之。是亦不可以已乎。此之謂失其本心。○孟子曰。仁人心也。義人路也。節舍其路而弗由。放其心而不知

求哀哉。節人有鷄犬放。則知求之。有放心而不知求。節學問之道。無他。求其放心而已矣。○孟子曰。今有無名之指。屈而不信。非疾痛害事也。如有能信之者。則不遠秦楚之路。為指之不若人也。節指不若人。則知惡之心。不若人。則不知惡。此之謂不知類也。○孟子曰。拱把之桐梓。人苟欲生之。皆知所以養之者。至於身而不知所以養之者。豈愛身不若桐梓哉。弗思甚也。○孟子曰。人之於身也。兼所愛。兼所愛。則兼所養也。無尺寸之膚。不愛焉。則無尺寸之膚。不養也。所以考其善不善者。豈有他哉。於已取之而已矣。節體

有貴賤有大小無以小害大無以賤害貴養其小者
為小人養其大者為大人節今有場師舍其梧櫨養
其楸棘則為賤場師焉節養其一指而失其肩背而
不知也則為狼疾人也節飲食之人則人賤之矣為
其養小以失大也節飲食之人無有失也則口腹豈
適為尺寸之膚哉節公都子問曰鈞是人也或為大
人或為小人何也孟子曰從其大體為大人從其小
體為小人節鈞是人也或從其大體或從其小體
何也曰耳目之官不思而蔽於物物交物則引之而
已矣心之官則思思則得之不思則不得也此天之

所與我者先立乎其大者則其小者不能奪也此為
大人而已矣節孟子曰有天爵者有人爵者仁義忠
信樂善不倦此天爵也公卿大夫此人爵也節古之
人脩其天爵而人爵從之節今之人脩其天爵以要
人爵既得人爵而棄其天爵則惑之甚者也終亦必
亡而已矣節孟子曰欲貴者人之同心也人人有貴
於己者弗思耳節人之所貴者非良貴也趙孟之所
貴趙孟能賤之節詩云既醉以酒既飽以德言飽乎
仁義也所以不願人之膏梁之味也令聞廣譽施於
身所以不願人之文繡也節孟子曰仁之勝不仁也

志趙注作至下

猶水勝火。今之為仁者，猶以一杯水救一車薪之火也。不熄，則謂之水不勝火。此又與於不仁之甚者也。
節亦終必亡而已矣。○孟子曰：五穀者種之美者也。苟為不熟，不如萁稗。夫仁亦在乎熟之而已矣。○孟子曰：羿之教人射，必志於毅；學者亦必志於毅。
節大匠誨人，必以規矩；學者亦必以規矩。

告子章句下凡十六章

任人有問屋廬子曰：禮與食孰重？曰：禮重。
節色與禮孰重？曰：禮重。曰：以禮食則饑而死，不以禮食則得食，必以禮乎？親迎則不得妻，不親迎則得妻，必親迎

乎？屋廬子不能對。明日之鄒以告孟子。孟子曰：於答是也，何有？
節不揣其本而齊其末，方寸之木可使高於岑樓。
節金重於羽者，豈謂一鈞金與一輿羽之謂哉？
節取食之重者與禮之輕者而比之，奚翅食重；取色之重者與禮之輕者而比之，奚翅色重。
節往應之曰：紵兄之臂而奪之食，則得食；不紵則不得食，則將紵之乎？踰東家牆而撻其處子，則得妻；不撻則不得妻，則將撻之乎？
節曹交問曰：人皆可以為堯舜，有諸？孟子曰：然。
節交聞文王十尺，湯九尺，今交九尺四寸，以長可食粟而已，如何則可？
節曰：奚有於是，亦為

四書句解

下五

七

松

之而已矣。有人於此，力不能勝一匹雛，則為無力人矣。今日舉百鈞，則為有力人矣。然則舉烏獲之任，是亦為烏獲而已矣。夫人豈以不勝為患哉？弗為耳。徐行後長者謂之弟，疾行先長者謂之不弟。夫徐行者，豈人所不能哉？所不為也。堯舜之道，孝弟而已矣。節子服堯之服，誦堯之言，行堯之行，是堯而已矣。子服桀之服，誦桀之言，行桀之行，是桀而已矣。節得見於鄒君，可以假館，願留而受業於門。節曰：夫道若大路然，豈難知哉？人病不求耳。子歸而求之，有餘師。公孫丑問曰：高子曰：小弁，小人之詩也。孟子曰：

何以言之？曰：怨。節曰：固哉！高叟之為詩也。有人於此，越人關弓而射之，則已談笑而道之；無他，疏之也。其兄關弓而射之，則已垂涕泣而道之；無他，戚之也。小弁之怨，親親也。親親，仁也。固矣！夫高叟之為詩也。節曰：凱風何以不怨？節曰：凱風，親之過小者也。小弁，親之過大者也。親之過大而不怨，是愈疏也。親之過小而怨，是不可磯也。愈疏，不孝也。不可磯，亦不孝也。節孔子曰：舜其至孝矣。五十而慕。○宋惲將之楚，孟子遇於石丘。節曰：先生將何之？節曰：吾聞秦楚構兵，我將見楚王說而罷之。楚王不悅，我將見秦王說而罷。

之。二王我將有所遇焉。節曰。柯也。請無問其詳。願聞其指。說之將何如。曰。我將言其不利也。曰。先生之志則大矣。先生之號則不可。節先生以利說秦楚之王。秦楚之王悅於利。以罷三軍之師。是三軍之士樂罷而悅於利也。為人臣者懷利以事其君。為人子者懷利以事其父。為人弟者懷利以事其兄。是君臣父子兄弟終去仁義。懷利以相接。然而不亡者。未之有也。節先生以仁義說秦楚之王。秦楚之王悅於仁義。而罷三軍之師。是三軍之士樂罷而悅於仁義也。為人臣者懷仁義以事其君。為人子者懷仁義以事其父。

為人弟者懷仁義以事其兄。是君臣父子兄弟去利懷仁義以相接也。然而不王者。未之有也。何必曰利。節○孟子居鄒。季任為任處守。以幣交。受之而不報。處於平陸。儲子為相。以幣交。受之而不報。節他日由鄒之任。見季子。由平陸之齊。不見儲子。屋廬子喜曰。連得間矣。節問曰。夫子之任。見季子之齊。不見儲子。為其為相與。節曰。非也。書曰。享多儀。儀不及物。曰不享。惟不役志于享。節為其不成享也。節屋廬子悅。或問之。屋廬子曰。季子不得之鄒。儲子得之平陸。○淳于髡曰。先名實者為人。也。後名實者自為也。夫子在

四書正統

下五

三

佐

四書正文
三卿之中名實未加於上下而去之仁者固如此乎
節孟子曰居下位不以賢事不肖者伯夷也五就湯
五就桀者伊尹也不惡汙君不辭小官者柳下惠也
三子者不同道其趨一也一者何也曰仁也君子亦
仁而已矣何必同節曰魯繆公之時公儀子為政子
柳子思為臣魯之削也滋甚若是乎賢者之無益於
國也節曰虞不用百里奚而亡秦穆公用之而霸不
用賢則亡削何可得與節曰昔者王豹處於淇而河
西善謳縣駒處於高唐而齊右善歌華周杞梁之妻
善哭其夫而變國俗有諸內必形諸外為其事而無

其功者髡未嘗觀之也是故無賢者也有則髡必識
之節曰孔子為魯司寇不用從而祭燔肉不至不稅
冕而行不知者以為為肉也其知者以為為無禮也
乃孔子則欲以微罪行不欲為苟去君子之所為衆
人固不識也○孟子曰五霸者二王之罪人也今之
諸侯五霸之罪人也今之大夫今之諸侯之罪人也
節天子適諸侯曰巡狩諸侯朝於天子曰述職春省
耕而補不足秋省斂而助不給入其疆土地辟田野
治養老尊賢後傑在位則有慶慶以地入其疆土地
荒蕪遺老失賢捨克在位則有讓一不朝則貶其爵

再不朝則削其地。三不朝則六師移之。是故天子討而不伐。諸侯伐而不討。五霸者。摟諸侯以伐諸侯者也。故曰五霸者。三王之罪人也。節五霸桓公為盛。葵丘之會。諸侯束牲載書而不歃血。初命曰。誅不孝。無易樹子。無以妾為妻。再命曰。尊賢育才。以彰有德。三命曰。敬老慈幼。無忘賓旅。四命曰。士無世官。官事無攝。取士必得。無專殺大夫。五命曰。無曲防。無遏籜。無有封而不告。曰。凡我同盟之人。既盟之後。言歸于好。今之諸侯皆犯此五禁。故曰。今之諸侯。五霸之罪人也。節長君之惡。其罪小。逢君之惡。其罪大。今之大夫

皆逢君之惡。故曰。今之大夫。今之諸侯之罪人也。○魯欲使慎子為將軍。節孟子曰。不教民而用之。謂之殃民。殃民者。不容於堯舜之世。節一戰勝齊。遂有南陽。然且不可。節慎子勃然不悅曰。此則滑釐所不識也。節曰。吾明告子。天子之地方千里。不千里不足以待諸侯。諸侯之地方百里。不百里不足以守宗廟之典籍。節周公之封於魯。為方百里也。地非不足。而儉於百里。太公之封於齊也。亦為方百里也。地非不足也。而儉於百里。節今魯方百里者。五子以為有王者作。則魯在所損乎。在所益乎。節徒取諸彼。以與此。然

且仁者不為。况於殺人以求之乎。節君子之事君也。務引其君以當道。志於仁而已。節孟子曰。今之事君者曰。我能為君辟土地。充府庫。今之所謂良臣。古之所謂民賊也。君不鄉道。不志於仁。而求富之。是富桀也。節我能為君約與國。戰必克。今之所謂良臣。古之所謂民賊也。君不鄉道。不志於仁。而求為之強戰。是輔桀也。節由今之道。無變今之俗。雖與之天下。不能一朝居也。節白圭曰。吾欲二十而取一。何如。節孟子曰。子之道。貉道也。節萬室之國。一人陶。則可乎。曰。不可。器不足用也。節曰。夫貉五穀不生。惟黍生之。無城

郭宮室宗廟祭祀之禮。無諸侯幣帛饗殮。無百官有司。故二十取一而足也。節今居中國。去人倫。無君子如之。何其可也。節陶以寡且不可以為國。况無君子乎。節欲輕之於堯舜之道者。大貉小貉也。欲重之於堯舜之道者。大桀小桀也。節白圭曰。丹之治水也。愈於禹。節孟子曰。子過矣。禹之治水。水之道也。節是故禹以四海為壑。今吾子以鄰國為壑。節水逆行謂之洚水。洚水者。洪水也。仁人之所惡也。吾子過矣。節孟子曰。君子不亮。惡乎執。節魯欲使樂正子為政。孟子曰。吾聞之。喜而不寐。節公孫丑曰。樂正子強乎。曰。否。

四書正文
下孟

有知慮乎。曰：否。多聞識乎。曰：否。節然則奚為喜而不
寐。節曰：其為人也。好善好善足乎。節曰：好善優於天
下。而况魯國乎。節夫苟好善則四海之內皆將輕千
里而來告之以善。節夫苟不好善則人將曰：訑訑予
既已知之矣。訑訑之聲音顏色距人於千里之外。士
止於千里之外。則讒譎面諛之人至矣。與讒譎面諛
之人居國欲治可得乎。○陳子曰：古之君子何如則
仕。孟子曰：所就三。所去三。節迎之致敬以有禮言將
行其言也。則就之。禮貌未衰言弗行也。則去之。節其
次雖未行其言也。迎之致敬以有禮則就之。禮貌衰

則去之。節其下朝不食。夕不食。餓餓不能出門戶。君
聞之曰：吾大者不能行其道。又不能從其言也。使餓
餓於我土地。吾耻之。周之亦可受也。免死而已矣。○
孟子曰：舜發於畎畝之中。傳說舉於版築之間。膠鬲
舉於魚鹽之中。管夷吾舉於士。孫叔敖舉於海。百里
奚舉於市。節故天將降大任於是人也。必先苦其心
志。勞其筋骨。餓其體膚。空乏其身。行拂亂其所為。所
以動心忍性。曾益其所不能。節人恒過然後能改。困
於心。衡於慮。而後作。徵於色。發於聲。而後喻。節入則
無法家拂士。出則無敵國外患者。國恒亡。節然後知

四書正統 下 卷 八

生於憂患而死於安樂也○孟子曰教亦多術矣予不屑之教誨也者是亦教誨之而已矣

盡心章句上凡四十六章

孟子曰盡其心者知其性也知其性則知天矣節存其心養其性所以事天也節夭壽不貳脩身以俟之所以立命也○孟子曰莫非命也順受其正節是故知命者不立乎巖牆之下節盡其道而死者正命也節桎梏死者非正命也○孟子曰求則得之舍則失之是求有益於得也求在我者也節求之有道得之有命是求無益於得也求在外者也○孟子曰萬物

皆備於我矣節反身而誠樂莫大焉節強恕而行求

仁莫近焉○孟子曰行之而不著焉習矣而不察焉終身由之而不知其道者衆也○孟子曰人不可以無耻無耻之耻無耻矣○孟子曰耻之於人大矣節為機變之巧者無所用耻焉節不耻不若人何若人有○孟子曰古之賢王好善而忘勢古之賢士何獨不然樂其道而忘人之勢故王公不致敬盡禮則不得亟見之見且猶不得亟而况得而臣之乎○孟子謂宋句踐曰子好遊乎吾語子遊節人知之亦貴節人不知亦貴節曰何如斯可以貴節曰尊德樂

義則可以賈賈矣節故士窮不失義達不離道節窮不失義故士得已焉達不離道故民不失望焉節古之人得志澤加於民不得志脩身見於世窮則獨善其身達則兼善天下○孟子曰待文王而後興者凡民也若夫豪傑之士雖無文王猶興○孟子曰附之以韓魏之家如其自視歆然則過人遠矣○孟子曰以佚道使民雖勞不怨以生道殺民雖死不怨殺者○孟子曰霸者之民驩虞如也王者之民皞皞如也節殺之而不怨利之而不庸民日遷善而不知為之者節夫君子所過者化所存者神上下與天地同流

豈曰小補之哉○孟子曰仁言不如仁聲之入人深也節善政不如善教之得民也節善政民畏之善教民愛之善政得民財善教得民心○孟子曰人之所不學而能者其良能也所不慮而知者其良知也節孩提之童無不知愛其親也及其長也無不知敬其兄也節親親仁也敬長義也無他達之天下也○孟子曰舜之居深山之中與木石居與鹿豕遊其所以異於深山之野人者幾希及其聞一善言見一善行若決江河沛然莫之能禦也○孟子曰無為其所不為無欲其所不欲如此而已矣○孟子曰人之有德

四書章句
下五
慧術知者恒存乎疾疾節獨孤臣孽子其操心也危其慮患也深故達○孟子曰有事君人者事是君則為容悅者也節有安社稷臣者以安社稷為悅者也節有天下民者達可行於天下而後行之者也節有大節人者正己而物正者也○孟子曰君子有三樂而王天下不與存焉節父母俱存兄弟無故一樂也節仰不愧於天俯不忤於人二樂也節得天下英才而教育之三樂也節君子有三樂而王天下不與存焉○孟子曰廣土衆民君子欲之所樂不存焉節中天下而立定四海之民君子樂之所性不存焉節君子所

性雖大行不加焉雖窮居不損焉分定故也節君子所性仁義禮智根於心其生色也晬然見於面盎於背施於四體四體不言而喻○孟子曰伯夷辟紂居北海之濱聞文王作興曰盍歸乎來吾聞西伯善養老者大公辟紂居東海之濱聞文王作興曰盍歸乎來吾聞西伯善養老者天下有善養老則仁人以為已歸矣節五畝之宅樹牆下以桑匹婦蠶之則老者足以衣帛矣五母雞二母彘無失其時老者足以無失肉矣百畝之田匹夫耕之八口之家可以無饑矣節所謂西伯善養老者制其田里教之樹畜導其妻

子使養其老。五十非帛不煖。七十非肉不飽。不煖不飽。謂之凍餒。文王之民無凍餒之老者。此之謂也。○孟子曰。易其田疇。薄其稅歛。民可使富也。節食之以時。用之以禮。財不可勝用也。節民非水火不生活。昏暮叩人之門戶求水火。無弗與者。至足矣。聖人治天下。使有菽粟如水火。菽粟如水火。而民焉有不仁者乎。○孟子曰。孔子登東山而小魯。登太山而小天下。故觀於海者難為水。遊於聖人之門者難為言。節觀水有術。必觀其瀾。日月有明。容光必照焉。節流水之為物也。不盈科不行。君子之志於道也。不成章不達。

○孟子曰。雞鳴而起。孳孳為善者。舜之徒也。節雞鳴而起。孳孳為利者。蹠之徒也。節欲知舜與蹠之分。無他。利與善之間也。○孟子曰。楊子取為我。拔一毛而利天下。不為也。節墨子兼愛。摩頂放踵利天下。為之。節子莫執中。執中為近之。執中無權。猶執一也。節所惡執一者。為其賊道也。舉一而廢百也。○孟子曰。饑者甘食。渴者甘飲。是未得飲食之正也。饑渴害之也。豈惟口腹有饑渴之害。人心亦皆有害。節人能無以饑渴之害為心害。則不及人不為憂矣。○孟子曰。柳下惠不以三公易其介。○孟子曰。有為者辟若掘井。

掘井九朝而不及泉猶為棄井也○孟子曰堯舜性之也湯武身之也五霸假之也節又假而不歸惡知其非有也○公孫丑曰伊尹曰予不狎于不順放太甲于桐民大悅太甲賢又反之民大悅節賢者之為人臣也其君不賢則固可放與節孟子曰有伊尹之志則可無伊尹之志則篡也○公孫丑曰詩曰不素餐兮君子之不耕而食何也孟子曰君子居是國也其君用之則安富尊榮其子弟從之則孝弟忠信不素餐兮孰大於是○王子墊問曰士何事節孟子曰尚志節曰何謂尚志曰仁義而已矣殺一無罪非仁

也非其有而取之非義也居惡在仁是也路惡在義是也居仁由義大人之事備矣○孟子曰仲子不義與之齊國而弗受人皆信之是舍簞食豆羹之義也人莫大焉亡親戚君臣上下以其小者信其大者奚可哉○桃應問曰舜為天子臯陶為士瞽瞍殺人則如之何節孟子曰執之而已矣節然則舜不禁與節曰夫舜惡得而禁之夫有所受之也節然則舜如之何節曰舜視棄天下猶棄敝屣也竊負而逃遵海濱而處終身訢然樂而忘天下○孟子自范之齊望見齊王之子喟然歎曰居移氣養移體大哉居乎夫非

盡人之子與節孟子曰節王子宫室車馬衣服多與人同而王子若彼者其居使之然也况居天下之廣居者乎節魯君之宋呼於埳澤之門守者曰此非吾君也何其聲之似我君也此無他居相似也○孟子曰食而弗愛豕交之也愛而弗敬獸畜之也節恭敬者幣之未將者也節恭敬而無實君子不可虛拘○孟子曰形色天性也惟聖人然後可以踐形○齊宣王欲短喪公孫丑曰為菴之喪猶愈於已乎節孟子曰是猶或紵其兄之臂子謂之姑徐徐云爾亦教之孝弟而已矣節王子有其母死者其傅為之請數月

之喪公孫丑曰若此者何如也節曰是欲終之而不可得也雖加一日愈於已謂夫莫之禁而弗為者也○孟子曰君子之所以教者五節有如時雨化之者節有成德者有達財者節有答問者節有私淑艾者節此五者君子之所以教也○公孫丑曰道則高矣美矣宜若登天然似不可及也何不使彼為可幾及而日孳孳也節孟子曰大匠不為拙工改廢繩墨羿不為拙射變其數率節君子引而不發躍如也中道而立能者從之○孟子曰天下有道以道殉身天下無道以身殉道節未聞以道殉乎人者也○公都子

曰。滕更之在門也。若在所禮而不答。何也。節孟子曰。挾貴而問。挾賢而問。挾長而問。挾有勳勞而問。挾故而問。皆所不答也。滕更有二焉。○孟子曰。於不可已而已者。無所不已。於所厚者。薄無所不薄也。節其進銳者。其退速。○孟子曰。君子之於物也。愛之而弗仁。於民也。仁之而弗親。親親而仁民。仁民而愛物。○孟子曰。知者無不知也。當務之為急。仁者無不愛也。急親賢之為務。堯舜之知而不徧。物急先務也。堯舜之仁不徧。愛人急親賢也。節不能三年之喪而總小功之察。放飯流歠而問無齒決。是之謂不知務。

盡心章句下

凡三十八章

孟子曰。不仁哉。梁惠王也。仁者以其所愛及其所不愛。不仁者以其所不愛及其所愛。節公孫丑曰。何謂也。梁惠王以土地之故。糜爛其民而戰之。大敗。將復之。恐不能勝。故驅其所愛子弟以殉之。是之謂以其所不愛及其所愛也。○孟子曰。春秋無義戰。彼善於此。則有之矣。節征者上伐下也。敵國不相征也。○孟子曰。盡信書。則不如無書。節吾於武成。取二三策而已矣。節仁人無敵於天下。以至仁伐至不仁。而何其血之流杵也。○孟子曰。有人曰。我善為陳。我善為戰。

大罪也節國君好仁天下無敵焉南面而征北狄怨東面而征西夷怨節曰奚為後我節武王之伐殷也車三百兩虎賁三千人節王曰無畏寧爾也非敵百姓也若崩厥角稽首節征之為言正也各欲正已也焉用戰節孟子曰梓匠輪輿能與人規矩不能使人巧節孟子曰舜之飯糗茹草也若將終身焉及其為天子也被袵衣鼓琴節一女果若固有之節孟子曰吾今而後知殺人親之重也殺人之父人亦殺其父殺人之兄人亦殺其兄然則非自殺之也一間耳節孟子曰古之為關也將以禦暴節今之為關也將以為

暴節孟子曰身不行道不行於妻子使人不以道不能行於妻子節孟子曰周于利者凶年不能殺周于德者邦世不能亂節孟子曰好名之人能讓千乘之國苟非其人簞食豆羹見於色節孟子曰不信仁賢則國空虛節無禮義則上下亂節無政事則財用不足節孟子曰不仁而得國者有之矣不仁而得天下未之有也節孟子曰民為貴社稷次之君為輕節是故得乎丘民而為天子得乎天子為諸侯得乎諸侯為大夫節諸侯危社稷則變置節犧牲既成粢盛既潔祭祀以時然而旱乾水溢則變置社稷節孟子曰

五章下朱注接猶承
浙法米也

聖人百世之師也。伯夷柳下惠是也。故聞伯夷之風者，頑夫廉，懦夫有立志。聞柳下惠之風者，薄夫敦，鄙夫寬，奮乎百世之上。句百世之下聞者莫不興起也。非聖人而能若是乎？而况於親炙之者乎？○孟子曰：孔子之去魯，曰遲遲吾行也。去父母國之道也。去齊接淅而行，去他國之道也。○孟子曰：君子之危於陳蔡之間，無上下之交也。○貉稽曰：稽大不理於口。節孟子曰：無傷也。士憎茲多口。節詩云：憂心悄悄，愠于群小。孔子也。肆不殄厥愠，亦不殞厥問。文王也。○孟子曰：賢者以

其昭昭使人昭昭，今以其昏昏使人昭昭。○孟子謂高子曰：山徑之蹊間，句介然用之而成路。句為間不用，則茅塞之矣。今茅塞子之心矣。○高子曰：禹之聲尚文王之聲。節孟子曰：何以言之？曰：以追蠡。節曰：是奚足哉？城門之軌，兩馬之力與？○齊饑，陳臻曰：國人皆以夫子將復為發棠，殆不可復。節孟子曰：是為馮婦也。晉人有馮婦者，善搏虎，卒為善士，則之野有眾逐虎，虎負嵎莫之敢撻，望見馮婦趨而迎之，馮婦攘臂下車，眾皆悅之。其為士者笑之。○孟子曰：口之於味也，目之於色也，耳之於聲也，鼻之於臭也，四肢之

四書正統 下孟 長

於安佚也。性也有命焉。君子不謂性也。節仁之於父子也。義之於君臣也。禮之於賓主也。智之於賢者也。聖人之於天道也。命也。有性焉。君子不謂命也。○浩生不害問曰。樂正子何人也。孟子曰。善人也。信人也。節何謂善。何謂信。節曰。可欲之謂善。節有諸已之謂信。節充實之謂美。節充實而有光輝之謂大。節大而化之之謂聖。節聖而不可知之之謂神。節樂正子二之中四之下也。○孟子曰。逃墨必歸於楊。逃楊必歸於儒。歸斯受之而已矣。節今之與楊墨辯者。如追放豚。既入其苜蓿。又從而招之。○孟子曰。有布縷之征。粟

米之征。力役之征。君子用其一。緩其二。用其二而民有殍。用其三而父子離。○孟子曰。諸侯之寶三。土地。人民。政事。寶珠玉者。殃必及身。○盆成括仕於齊。孟子曰。死矣盆成括。盆成括見殺。門人問曰。夫子何以知其將見殺。曰。其為人也小有才。未聞君子之大道也。則足以殺其軀而已矣。○孟子之滕。館於上宮。有業屨於牖上。館人求之弗得。節或問之曰。若是乎從者之廢也。曰。子以是為竊屨來與。曰。殆非也。夫子之設科也。往者不追。來者不拒。苟以是心至。斯受之而已矣。○孟子曰。人皆有所不忍。達之於其所忍。仁也。

子

長

人皆有所不為達之於其所為義也節人能充無欲
 害人之心而仁不可勝用也。人能充無穿窬之心而
 義不可勝用也節人能充無受爾汝之實無所往而
 不為義也節士未可以言而言是以言餽之也可以
 言而不言是以不言餽之也是皆穿窬之類也。○孟
 子曰言近而指遠者善言也。守約而施博者善道也。
 君子之言也節不下帶而道存焉節君子之守脩其身
 而天下平節人病舍其田而芸人之田所求於人者
 重而所以自任者輕。○孟子曰堯舜性者也湯武友
 之也節動容周旋中禮者盛德之至也哭死而哀為

生者也經德不回非以干祿也言語必信非以正行
 也節君子行法以俟命而已矣。○孟子曰說大人則
 藐之勿視其巍巍然節堂高數仞榱題數尺我得志
 弗為也。食前方丈侍妾數百人我得志弗為也。般樂
 飲酒驅騁田獵後車千乘我得志弗為也。在彼者皆
 我所不為也。在我者皆古之制也。吾何畏彼哉。○孟
 子曰養心莫善於寡欲其為人也寡欲雖有不存焉
 者寡矣其為人也多欲雖有存焉者寡矣。○曾皙嗜
 羊棗而曾子不忍食羊棗節公孫丑問曰膾炙與羊
 棗孰美孟子曰膾炙哉公孫丑曰然則曾子何為食

膾炙而不食羊棗曰膾炙所同也羊棗所獨也諱名不諱姓姓所同也名所獨也○萬章問曰孔子在陳曰盍歸乎來吾黨之士狂簡進取不忘其初孔子在陳何思魯之狂士節孟子曰孔子不得中道而與之必也狂狷乎狂者進取狷者有所不為也孔子豈不欲中道哉不可必得故思其次也節敢問何如斯可謂狂矣節曰如琴張魯督牧皮者孔子之所謂狂矣節何以謂之狂也節曰其志嚶嚶然曰古之人古之人夷考其行而不掩焉者也節狂者又不可得欲得不屑不潔之士而與之是狷也是又其次也節孔子

曰過我門而不入我室我不憾焉者其惟鄉原乎鄉原德之賊也曰何如斯可謂之鄉原矣節曰何以是嚶嚶也言不顧行行不顧言則曰古之人古之人行何為踴踴涼涼生斯世也為斯世也善斯可矣闒然媚於世也者是鄉原也節萬章曰一鄉皆稱原人焉無所往而不為原人孔子以為德之賊何哉節曰非之無舉也刺之無刺也同乎流俗合乎汙世居之似忠信行之似廉潔衆皆悅之自以為是而不可與入堯舜之道故曰德之賊也節孔子曰惡似而非者惡莠恐其亂苗也惡佞恐其亂義也惡利口恐其亂信

四書正文

下孟

九一

Handwritten text on a rectangular piece of aged paper, possibly a document or letter. The text is written in vertical columns from right to left. A red mark is visible near the top center of the paper.

Handwritten text on a narrow vertical strip of paper, likely a label or a continuation of the text from the main document. The text is written vertically.

Handwritten text on a narrow vertical strip of paper, likely a label or a continuation of the text from the main document. The text is written vertically.

Handwritten text on a piece of aged paper, including a red mark and a signature.

Vertical handwritten text on a narrow strip of paper.

也惡鄭聲恐其亂樂也惡紫恐其亂朱也惡鄉原恐其亂德也節君子反經而已矣經正則庶民興庶民興斯無和慝矣○孟子曰由堯舜至於湯五百有餘歲若禹皋陶則見而知之若湯則聞而知之節由湯至於文王五百有餘歲若伊尹萊朱則見而知之若文王則聞而知之節由文王至於孔子五百有餘歲若太公望散宜生則見而知之若孔子則聞而知之節由孔子而來至於今百有餘歲去聖人之世若此其未遠也近聖人之居若此其甚也然而無有乎爾則亦無有乎爾

舍英堂刊行

1A
11
12

...則亦無有乎爾...
...其未遠也近聖人之若若此其甚也然而無有乎爾...
...由孔子而來至於余百有餘歲去聖人之世若此...
...文王則聞而知之由文王至於孔子百有餘歲...
...至於文王五百有餘歲若伊尹萊朱則見而知之若...
...殷石禹皋陶則見而知之若湯則聞而知之由湯...
...其無和隱矣○...子曰由堯舜至於湯五百有餘...
...君子友誼而已矣經正則庶民興庶民...
...其無和隱矣○...子曰由堯舜至於湯五百有餘...
...殷石禹皋陶則見而知之若湯則聞而知之由湯...
...至於文王五百有餘歲若伊尹萊朱則見而知之若...
...文王則聞而知之由文王至於孔子百有餘歲...
...若太公望散宜生則見而知之若孔子則聞而知之...
...由孔子而來至於余百有餘歲去聖人之世若此...
...其未遠也近聖人之若若此其甚也然而無有乎爾...
...則亦無有乎爾...
合英堂刊行

合英堂刊行

